

man bald eines ganzen Landes Situm vnd Gelegenheit
für Augen haben mag: Als hab ich mich noch vor
der zeit beflissen die Köbliche Fürstenthumb Preussen/
in eine gewisse Wappam oder Landtaffel zubringen/
welche dann auch vor 19 Jahren in öffentlichen Druck
verfertiget worden / damit nicht allein / die Grenzen/
Städte / Schlösser / Dörffer / Wälde / See / Ströhme/
etc. vnd was dergleichen mehr sein mag alles desto sicht-
licher vor Augen kundte gestellet werden. Sondern
auch das solches R. F. D. wenn dieselbe nach bey-
wohnung vnd erörterung hoher schwerer vnd wichti-
ger Hendel in Unmuth gerahen / sich widerumb hierin-
nen etwas erlustigen vnd erquicken könten. Darnach
das auch andere Leute / sonderlich aber dieses Landes
Einwohner / Ursach hetten dem lieben Gott vor sei-
nen vielfeltigen milden Segen vnd grosse Gaben / da-
mit er dieses schöne Landt vor viel andern / vberaus rei-
chlich gezieret / desto fleissiger zu danken. Weil aber die
blosse ansehung allein / die Spectatores wenig zur freude
vnd Danckbarkeit reitzen vñ bewegen mag / wo nicht da-
bey zugleich auch allerley vmbstende / als wer erstlich die
örter bewohnet / gebawet / zerstöret / vnd was sich vor-
nemlichs allda zugetragen / angezeigt würde: Hab ich
mir vorgenommen / solche meine außgegangene Preu-
ssische Wappen etwas deutlicher zu expliciren vñ erkleren/
vnd erstlich / weil sie etwas weitleufftig / vñ man den ort
so balde (sonderlich der des lands nicht wol kundig) finde
kan / aller Städte / Schlösser / Kirchdörffer / Ströhme /
See / Fliesser / Wälde etc. namen fein ordentlich nach
dem Alphabeth bey einem jeglichen ein Z'al vñ Buchsta-
ben gesetzt / darnach von wem vnd wen sie gebawet / zerstö-
ret / widerbawet / oder verleget worden / auch die örter an
welchen vor